

四庫全書

史部

# 欽定四庫全書

史部

欽定八旗通志卷

四十至  
四十一

欽定四庫全書

欽定八旗通志卷四十

兵制志九

軍器

軍器制度

武具

火器

火藥

帳房

戰船

凡給發軍器金鼓以示進退之節海螺以定朝昏  
之聚散旗纛以一瞻視甲冑以衛身器械以制敵  
各營兵之專習者為弓箭為鳥槍為礮為藤牌燕  
習者為長槍為大刀為挑力水師則有排槍鉤鏹

槍標槍大斧火箭之屬水陸異用險易異習者  
期純熟教者期專一大礮以兵千名設十礮為率  
郡邑城守沿海沿邊及水師戰艦各置礮於其所  
若兵少及非要隘營汛貯礮於督撫提鎮駐劄之  
地需用迺發仍以時演放如法

順治初定軍器由兵部圖式移文工部製造按名  
給發仍令該管官隨時稽察有損缺者修整補治  
如有贏餘器械留營以備增補其敝壞者悉行銷

綬五年奏准馬兵每名給甲一胄一橐鞬一弓一箭四十腰刀一步兵每名給甲一胄一腰刀一其步兵內之弓箭兵給弓一箭三十長槍兵給長槍一烏槍兵給烏槍一直省兵均照此給發

康熙六年奏准八旗世爵暨文武官各備甲一胄一弓二橐鞬一腰刀一其箭數視品秩之大小公五百五十侯五百伯四百五十子四百男三百五十輕車都尉二百五十騎都尉二百雲騎尉百五

十武官一品至五品視子男至雲騎尉六品以下  
均一百文官一二品視子男三品京堂視武職二  
品四品京堂科道郎中視武職三品員外郎視武  
職四品營兵護軍前鋒領催各七十驍騎各五十  
世爵中官大於爵者照官職箭數爵大於官者照  
世爵箭數直省督撫提鎮及副將以下官應備弓  
矢甲冑各按品級定數與八旗武職同三十年設  
八旗火器營每佐領下設烏槍前鋒烏槍護軍烏

槍驍騎每名各給烏槍一滿洲八旗每旗各設子  
母礮五位其餘大小銅鐵礮位均貯漢軍八旗礮  
局內又定護軍營八旗每旗各設海螺三十六前  
鋒營左右翼各設海螺八火器營八旗每旗各設  
隨礮海螺五八旗烏鎗護軍烏槍驍騎每旗各設  
海螺十四驍騎營每佐領下各設海螺一每叅領  
下各設海螺一漢軍烏槍營每旗設鼓一金五礮  
營每旗設鼓一金五藤牌營每旗設海螺五每旗

藤牌兵百名每名給藤牌一副刀一每旗挑刀兵  
五十名每名各給挑刀一漢軍八旗每佐領下各  
設鹿角一架棉甲兵四名每名各給連韃棍一副  
直省標營金鼓海螺鹿角藤牌挑刀等項視營之  
大小兵之多寡酌設

雍正五年

諭各處營伍所用器械向來原無一定之例是以武弁到  
任往往以己所好尚及素所熟習者操演所屬兵丁間



或學習未久而接任官又別有意見將從前所習者更改調換是兵丁之技藝每視該上司之去留以為轉移非訓練專精之道也凡事久則熟熟則生巧宜令各省將軍督撫提鎮因地制宜酌定規制永遠遵奉除騎射最為緊要天下通行學習外其餘各種演習悉着該上司會同通省官弁細心斟酌應用何軍器詳悉定議奏聞令各營永遠遵行接任官不得擅自更改倘將有應變通之處具題請旨如此則兵丁各精其業且使一省

之中彼此畫一將來或有調遣會集之處正可相資為用於營伍大有裨益是年議准官兵所用軍器內鳥槍一項能衝銳折堅最為便利如腹內省分地勢平

坦利用弓矢至沿邊沿海省分山深林密利用鳥槍應將腹內省分每兵千名設鳥槍三百桿沿海沿邊省分每兵千名設鳥鎗四百桿嗣據各省陸續議覆山東省各營軍器弓箭鳥鎗礮藤牌長槍大刀均係通設之械每兵百名分作十分弓箭三

分鳥槍五分藤牌一分長槍一分此外別設礮手  
專演發礮河南省各營軍器駐防八旗設馬步弓  
箭兵鳥槍兵子母礮兵長槍兵督標兩營設馬步  
弓箭兵鳥槍兵礮兵藤牌兵大刀兵河北鎮標九  
營各設馬步弓箭兵鳥槍兵礮兵護礮副刀兵南  
陽鎮七營如之直隸省各營軍器除騎射鳥槍礮  
畫一操練外惟宣化鎮平陽之地利於藤牌應以  
該鎮向設之三眼槍長槍大刀兵改換藤牌紫荊

關鳥槍甚少應以該鎮向設之大刀兵改添鳥槍  
山西省各營地屬沿邊每兵百名分作十分弓箭  
六分鳥槍四分別設礮兵專演大礮惟殺虎協舊  
有藤牌兵三百名仍令演習其餘長槍副刀之屬  
悉令改為弓箭鳥槍兵江南江西省水師各營軍  
器除弓箭鳥槍礮外如藤牌大刀鈎鑣槍過船槍  
鉞斧標鐵彈均為水師利用之器其陸路各營有  
設三眼銃及長槍者應將三眼銃改為鳥槍兵長

槍改為藤牌兵福建省陸路各營每兵千名分作  
二十隊弓箭馬兵四隊弓箭步兵二隊鳥槍兵十  
隊礮兵一隊藤牌兵一隊長槍兵一隊大刀兵一  
隊水師戰船大趕繒船兵八十名設排槍四十二  
桿中趕繒船兵六十名設排槍三十桿小趕繒船  
兵五十名設排槍二十五桿大船船兵三十五名  
設排槍十六桿中船船兵三十名設排槍十六桿  
小船船兵二十名設排槍十桿仍各備用火藥彈

予火罐火箭之屬浙江省各營每兵千名分作二十隊弓箭兵六隊鳥槍兵八隊藤牌兵二隊片刀兵二隊長槍兵一隊礮兵一隊陝西四川省各營除弓箭鳥槍礮通行演習外其弓箭馬兵兼習槍棒守兵兼習副刀又令提標守兵二百名專習藤牌廣東省各營每兵百名設弓箭手二十名各佩腰刀兼習雙刀長槍鳥槍兵五十名各佩腰刀藤牌兵十名用牌刀挑刀兵十名礮兵十名雲南貴州

廣西三省各營每兵千名設弓箭兵二百鳥槍兵  
六百藤牌兵一百以礮兵百名兼習牌刀十年議  
准福建省水路海面遼濶陸路林深箐密鳥槍一  
項最為利用於定例每兵千名設鳥槍四百桿外  
再增鳥槍百桿

乾隆五年議准雲南貴州二省地多山箐又陰雨  
不常弓箭一遇潮濕之時險仄之地不能應手施  
展惟弩弓以木為質其力最勁令弓箭手各兼習

弩弓十五年議准湖廣武昌鎮水師二營地界川  
江水操弓箭技有難施惟烏槍極為利便照沿海  
沿邊省分每兵千名設烏槍四百桿

凡簡覈軍器京營三年一次由八旗奏請

特命王公大臣驗閱駐防八旗軍器各將軍都統副都  
統於到任後率所屬簡稽軍營鎧仗同城限二月  
外屬限三月竣事遊收處官兵軍器由部奏請

特命大臣驗閱各察其盈絀利鈍具疏以



聞直省各標營軍器以都司守備為專管官副將叅將  
遊擊為兼管官遇有動用修補估價詳報給公項  
治備歲終彙送布政司覈銷督撫提鎮歲委官察  
驗取具冊結歲終彙疏題報以冊達部稽覈虧闕  
者論如法

順治五年奏准每年秋季奏請點驗八旗護軍營  
驍騎營器械春季奏請點驗前鋒營步軍營器械  
令該管官互相稽察又定點驗軍器若盔甲弓箭

等項全無者官革職兵鞭一百革退軍器缺少與朽壞及箭上無字並書他人姓名者官罰俸兵鞭責有差如所屬官兵盔甲弓箭等項全無及軍器缺少或朽壞者各計名數多寡論該管之都統叅領降罰如律至佐領驍騎校等所管兵數無多有軍器缺少朽壞者各計名數從重論

雍正元年奏准遊牧八旗察哈爾官兵軍器由部越一歲疏列滿洲蒙古都統統領副都統職名恭

請

欽點一人前往稽閱十年議准直省各營軍裝器械屬  
督撫所轄者督撫委官盤察提督所轄者提督委  
官盤察皆取本營並無缺少及委官並無捏飭印  
甘結存案各於年終保題至於各鎮有督提統轄  
者由該鎮委官盤察取印甘結並加具保結送督  
提察覈於年終保題若無督提統轄各該鎮委官  
盤查取結亦於年終保題其保題時各將所屬如

保題後仍有關少將經手盤查官罰俸督撫提鎮  
准失察例論倘委官明知缺少扶同捏報者降級  
調用又議准各營軍裝器械以都守為專管官副  
叅遊為兼管官若無故闕少經督撫提鎮題叅將  
專管官兼管官均論罰照數分賠係兼管官察出  
揭報者免議止令專管官獨賠限六月賠完如逾  
限不完將專管官住俸兼管官停陞俟賠完日開  
復若係兵丁闕少經該管官察出揭報追補足額

者免議至於新舊各官接任將軍裝器械限一月  
交代如無闕少新官造冊出結詳報督撫提鎮年  
終報部若交代時舊官推卸不交新官勒索不受  
皆照交代遲延例分別議處其闕少各數果係年  
久朽壞出師闕損及因公動用者准動公費製備  
免其議處分賠倘有藉端科累兵弁製備者照因  
公科歛例議處又議准督撫提鎮將營中盔甲弓  
箭鳥槍藤牌刀槍旗幟鍋帳鉛藥鋤棍等項按照

題定額數製脩一有闕損該管官即詳報隨時修整准其動用公費務期齊全足用如有贏餘擇其堪用者存營以脩增補其朽敝者酌量銷毀以免竊賣之弊十一年議准營中一應軍器遇有缺損不按時修整及修整而收貯不謹以致朽壞及失火燒毀或將預備鐵木等項堆貯潮濕地方以致銷蝕者將該管官論罰照數賠補

乾隆元年議准民間不許私製烏槍其鄉村險僻

之處防虎防盜烏槍在所必需各省督撫確察州縣內有實在應用地方照兵丁烏槍式樣製造書鑿姓名具呈地方官編號註冊備案如非應用地方有私藏或私造售賣者烏槍入官仍從重處責該管官以失察論四年題准各省將軍都統副都統於到任時將所屬同城親標旗營一應軍裝器械限兩月委官盤驗其外屬各營軍裝器械限三月委官盤驗各保題一次仍取具該管官並無虧

少印結及委員並無捏飭印結存案於年終保題  
仍將所屬各營軍器數目造冊送部察覈倘委盤  
保題之後仍有缺額別經發覺者將盤驗之官議  
罰其委官扶同捏結者議降如例

六年

諭聞得八旗火班堆房之撤袋弓箭因年久未修皆有  
毀壞不堪應用者火班堆房係防範之兵器械闕係  
軍容理宜整齊着交八旗大臣各動本旗公用房租



銀兩將火班防範兵丁之器械修理整齊嗣後如有  
毀壞者陸續修補

十年二月

諭蒙古人等購買廬甲若照京師官兵例官為製造則  
價值昂貴着仍聽伊等自行購買其各省購買廬甲  
之處着兵部議奏至於鄂爾多斯扎薩克等購買廬  
甲之處曾否呈報理藩院理藩院曾否具題着查明  
具奏同日

諭鄂爾多斯扎薩克等購買盔甲之處既經呈報理藩院具奏着那延泰班第謂鄂爾多斯王貝勒色等曰爾不必恐懼爾等購買盔甲之處皇上知道等因明白曉諭至於爾此奏殊為輕遽

十五年

諭八旗官兵器械闕少者均咨部官為造給器械內弓箭尤為緊要惟賴不時整理善為收貯從前兵部八旗都統會議訓飭八旗官兵將器械善為收貯曾經

奏准施行今都統等或因日久廢弛不以為事亦未  
可定着再行傳諭務遵原諭留心訓飭稽察十六年  
覆准烏槍為緊要軍器倘有年久不堪適用者令  
該堂官驗看確實准其重造其舊槍鎔化之鐵加  
謹收貯以備增造各項軍裝之用

十八年

諭八旗軍器例應每年特簡王公大臣點驗但一歲點  
驗殊覺煩擾嗣後着三年一次點驗既寬點驗之限

臨時務宜實心察覈不得草率了事若朕親閱時軍  
器仍有虧闕損壞者必將點驗之王公大臣治罪至  
點驗之年將八旗前鋒營護軍營驍騎營內府護軍  
官兵軍器仍照例點驗外其內府佐領下驍騎及王  
公府屬兵丁軍器皆停其點驗

軍器制度

王命旗牌

旗牌之制旗以藍繒為之方廣二尺六寸兩面銷

金清漢令字每一令字上各鈐以兵部印旗杆一  
長如旗木頂垂朱髦牌以椶木製形圓高一尺二  
分濶九寸五分厚一寸朱髹上刻荷葉形綠髹牌  
兩面鐫清漢令字各一飾以金懸於槍上槍以榆  
木為之長八尺圍一寸鐵頂槍冒髹以黃繪龍垂  
朱髦牌邊及槍杆均鐫清漢令字第幾號填以金  
頒給旗牌定制經畧十二副總督掛印總兵官各十副  
巡撫提督八副總兵官五副

雍正三年

諭各省督撫提鎮舊例均頒發王命旗牌所以重節鎮之權崇天室之威也但傳守既久或遇地方卑濕蟲蛀漆剝或因閱歲滋多形制毀敝而督撫提鎮等以旗牌損壞例當叅處不敢修整甚有預防損壞將所頒旗牌收貯照樣別造者尤為不可嗣後各督撫提鎮所頒王命旗牌加謹收貯勿致損傷亦不得別造其有地方卑濕閱歲滋多不免蟲蛀漆剝形制毀壞者從寬免其處分

聽其一面照式准修一面咨部備案

乾隆十四年奏准旗牌金書令字之上例鈐兵部  
印今已遵

旨改用新鑄清篆印而直省存貯旗牌尚係兵部舊印  
應將旗面移送兵部換鈐新印由部行知各督撫  
提鎮委官赴部請領以昭信守至舊領旗面俟頒  
到日送部繳銷

令箭之制旗面式樣大將軍將軍將軍督撫提鎮均用

欽定四庫全書

欽定八旗通志  
卷四十

十五

三角旗駐防將軍都統副都統均用方旗咸以雲  
緞為之三角旗高一尺八寸斜長三尺下濶二尺  
四寸大將軍將軍用本旗之色督撫提鎮用黃色  
方旗高一尺五寸五分濶九寸五分均銷金清漢  
令字及清漢官銜箭鏃以鐵為之二面鍍銀清漢  
令字下鍍銀清漢十二辰字移送兵部配製箭羽  
鈐印頒發

康熙三十三年奏准步軍統領增給令箭十二枝



旗面金書提督九門步軍巡捕營統領清漢字樣  
由部製造頒發

乾隆十四年奏准步軍統領舊設令箭年久損壞  
應行更換再巡捕營三字業經遵

旨繕清所有該衙門印信已照新定字樣改鑄前項令  
箭應更造給發至各省督撫提鎮駐防將軍令箭  
一併改製給發以示畫一

盛製以鐵二斤制如帽形上銳下平合而成之曰

盔高五寸圍圓一尺九寸合縫處壓以鐵梁曰盔  
梁盔前安鐵一片曰遮眉濶寸餘圍長九寸上覆  
鐵檐一形如盖曰舞擎濶六寸長四寸三分其下  
曰護額為覆椀於盔上其上仰者曰盔椀徑一寸  
六分高一寸二分圍圓五寸安管一長二寸圍圓  
一寸以插盔檐槍長三寸六分上為盤以垂髦上  
安項頂各有品制詳見於後垂於項後者曰護項垂於  
左右者曰護耳其下曰護頸其表官用錦緞兵用

布傳以鐵葉護頂用鐵葉九護耳二用鐵葉各六  
護頸同其采飾制各有差

凡親王郡王胄頂鍍金火紋銜寶石金立龍二承  
之垂薰貂纓十有八梁左右鍍金梵文三重上重  
八次七次二十飾皆鍍龍銜寶石護頂護耳護頸  
均石青鎖子錦表月白綺裏青繒緣外布金釘目  
勒貝子固倫額駙頂銜素金垂薰貂纓十有四八  
八分公植密鼠尾垂貂尾纓十有二不鍍梵文額

侍衛內大臣都統統領直省總督提督巡撫均頂  
植雕翎二垂貂尾纓十有二釵飾龍及花文護頂  
護耳護頸均石青綺表藍布裏繡蟒五中敷鏤外  
布銀釘內大臣和碩額駙郡主額駙內大臣裏行  
之公侯伯散秩大臣均頂植密鼠尾垂紅纓隨旗  
行之公侯伯子男文武一品文二品副都統宗室  
將軍縣主額駙直省總兵均頂植薰獺尾垂紅纓  
文三品至五品驍騎叅領郡君額駙以下直省副

將均頂植獬尾垂紅纓侍衛鑾儀衛官均頂植豹  
尾垂紅纓前鋒護軍叅領侍衛均頂植獬尾垂黑  
纓文六品至九品直省叅將以下均頂植獬尾垂  
紅纓不加釵繡王府官均頂植捨猊獬尾長史垂  
黑纓護衛典儀垂紅纓前鋒校護軍校均鐵頂紅  
纓護頂護耳護頸均以素綺繡蓮花外布黃銅釘  
前鋒護軍綠旗營軍士皆如之護頂以下用青布  
不繡駢騎校駢騎均鐵頂黑纓護頂以下各如旗

色校以綺兵以布均繡蓮花

甲制上衣下裳左右護肩左右袖左右護腋裳間  
有遮襠左襠裳亦分左右甲衣長二尺二寸幅四  
下廣一尺一寸護肩二各長一尺一寸廣一尺三  
寸袖二各長一尺二寸上圍一尺二寸下圍九寸  
護腋二各長一尺上廣九寸四其中以承腋其末  
銳遮襠一方八寸左襠一方六寸甲裳長二尺六  
寸幅二每幅上廣一尺二寸下廣一尺五寸其表

官用錦緞兵用布甲衣用鐵葉一百三十六每葉長二寸五分廣二寸甲裳用鐵葉一百十六護肩

甲袖護腋遮襠左襠均用小鐵葉長一寸六分廣

一寸四分

步兵甲身長二尺甲裳長二尺六寸間有無裳者餘制並同

其敷棉

者曰棉甲施鐵葉於外者曰明甲其采飾制各有差

凡親王以下至八分公甲用石青鎖子錦表月白紬裏青繒緣裳幅護肩皆露鐵鏐飾珊瑚綠松

青金石鉸金雲龍中敷鐵外布金釘前懸護心鏡  
勒以絛親王郡王金黃色貝勒以下石青色固倫  
額駙同領侍衛內大臣都統統領內大臣散秩大  
臣公侯伯子男宗室將軍縣主額駙以上文武一  
品文二品副都統直省總兵均石青綺表藍布裏  
青繒緣通繡蟒十護肩露鐵鍔文三品以下駢騎  
叅領郡君額駙以下直省副將均通繡蟒六侍衛  
鑾儀衛官前鋒護軍叅領侍衛王府長史護衛典



儀均通繡蟒四裳幅露鐵鍔皆鍍金雲龍中敷鐵  
外布銀釘前鋒校護軍校素綺表繡蓮花無袖裳  
幅露鐵鍔外布黃銅釘前鋒護軍綠旗營軍士均  
青布表加緣月白裏不加繡餘與校同駢騎校駢  
騎表各從旗色校以綺兵以布錦繡蓮花

乾隆二十一年

欽定棉胄之制以革髹漆頂植銅鍔護項護耳護頸均  
敷棉護軍校前鋒護軍垂紅纓護項以下石青色

駢騎校駢騎鹿角兵礮手垂黑纓護項以下各從  
旗色甲亦敷棉護軍校駢騎校前鋒護軍均全身  
駢騎無左右袖鹿角兵礮手無裳及左右袖左襠  
色如冑制官用綺表紬裏外布黃銅釘鍍金兵用  
紬表布裏外白銅釘鍍銀

弓制胎用榆木或櫟木南方削巨竹為之取材視  
竹木之理平正端直張而不跛胎長三尺七寸面  
傅牛角背施筋膠外飾桦皮胎一而角兩兩角之

接處用鹿角一塊固以筋膠加煖木皮於外曰弓  
靶兩稍以桑木為之各長六寸三分鑲以牛角刻  
鏤其末以受弦彊弣與胎鬬筍兩接處光削其面  
以鹿角為方釘于角端曰墊弦弦有二一纏絲弦  
教射用之蠶絲二十餘莖為骨外用絲線橫纏以  
束之纏分三節隔七寸許空一二分不纏則不張弓  
時可摺疊而收之一皮弦剪鹿皮為之用於戰  
陣弓力彊弱視胎面厚薄筋膠輕重一力至三力

用筋八兩膠五兩四力至六力用筋十四兩膠七兩七力至九力用筋十八兩膠九兩十力至十二力用筋一觔十兩膠十兩十三力至十五力用筋二觔膠十二兩十六力至十八力用筋二觔六兩膠十四兩

箭制竒以楊木柳木樺木為質取圓直之桿削成之別用數寸之木刻槽一道曰箭端竒必取範於端以均定其首尾刻銜口以駕弦曰括其端受鏃

治鐵為之曰透甲錐曰鈇箭曰梅針箭皆戰箭施  
於教閱者曰鶩箭以寸木空中鏤竅發則受風而  
鳴又謂之響箭鏃上加骨角小哨者曰鳴鏑剪雕  
鶩翎三膠粘箭括之上曰箭羽羽間親王至長子  
書爵貝勒以下至官兵均書銜名箭價等次每箭  
以五枝為率首一二三等青鶩翎箭次一二三等  
蟬鶩翎箭次一二三等鶩翎箭次一二三等鶩  
翎箭次一二三等鶩翎箭次一二三等芝蔴鶩戰

箭次一二三等雁翎箭

旗纛之制八旗各以其色為辨正黃正白正紅正藍四旗均方幅鑲黃鑲白鑲紅鑲藍四旗均左幅稍銳都統纛各長五尺七寸廣五尺繪龍竿長一丈二尺鐵頂朱髦惟正紅旗用黑髦佐領纛長四尺二寸廣五尺不繪綵竿長一丈二尺黑髦領催小旗長一尺五寸廣一尺八寸竿長五尺八旗同式而於鐵頂各異其制以示別護軍營纛各如本

旗之色裁幅為三角邊作火燄形直長五尺五寸  
斜長七尺三寸繪龍竿長一丈二尺鐵頂朱髦正  
紅旗用黑髦護軍校小旗三角直長一尺二寸斜  
長二尺三寸竿長五尺五寸八旗同式而於鐵頂  
異其制以示別前鋒營纛方幅長二尺三寸廣一  
尺八寸繪飛虎竿長六尺頂飾豹尾朱髦火器營  
旗纛護軍驍騎各如其本營之式加白號帶以別  
之健銳營旗纛左翼鑲黃右翼正黃均正幅加號

帶直省標營大纛皆綠色裁幅為三角直長五尺

八寸斜長一丈邊作火燄形

或繪雲蟒或繪飛熊  
隨地異制無定式

鐵頂朱髦什長旗三角直長二尺三寸有奇斜長

三尺八寸邊作火燄形鐵頂朱髦督撫提鎮大帥

旗以黃布為之方幅廣一丈八寸長一丈四尺兩

面大書帥字加號帶長一丈五尺廣一尺竿長一

丈六尺刻木葫蘆為頂其先鋒旗督陣旗門旗令

旗稟事旗均隨營異制



乾隆十七年奏准旗纛係兵所瞻視舊制各省駐防將軍都統副都統補授時即照其人本旗之旗色由工部造給如改授即更換不惟繁冗且於瞻視無準嗣後各省駐防分定旗色

盛京江寧西安綏遠城將軍熱河京口副都統皆用鑲黃旗色吉林杭州福州寧夏將軍歸化城右翼都統山海關青州副都統皆用正黃旗色黑龍江荊州城都廣州將軍歸化城左翼都統涼州副都

欽定四庫全書

欽定八旗通志  
卷四十

三

統皆用正白旗色其各將軍都統兼轄之副都統  
各視將軍都統旗色二十二年定伊犁將軍用鑲  
黃旗色二十六年定察哈爾都統用鑲黃旗色察  
哈爾副都統右翼用正黃旗色左翼用正白旗色  
武具

佩刀

虎槍營虎槍

健銳營雲梯

健銳營雲梯刀

健銳營長槍

健銳營鞭

健銳營順刀

前鋒營鐮

前鋒營斧

護軍營長槍

藤牌兵藤牌

欽定四庫全書

欽定八旗通志  
卷四十

藤牌兵刷刀

藤牌兵挑刀

漢軍連枷棒

漢軍鹿角

偃月刀

以下綠旗  
營武具

撲刀

斬馬刀

長刃大刀

寬刃大刀

雙手帶刀

背刀

片刀

虎牙刀

窩刀

船尾刀

割刀

繚風刀

長槍

火鏃槍

鈎鑣槍

雙鈎鑣槍

虎牙槍

蛇鑣槍

雁翎槍

十字鑣槍

火鑣槍

梨花槍

手槍

釘槍

矛

戟

雙鎗

雙鉞

馬叉

鳳翅橈

五齒橈

月牙鉞

通天鉞

長柄斧

雙斧



雙鉞

三鬚鉤

鐵挽

梨頭鐮

鐵斗鐮

棒

虎頭棒

盾

虎頭牌

燕尾牌

挨牌

圓木牌

籐牌

牌刀

戰被

滾被

滾被雙刀

火器

大者曰礮其制或鐵或銅或鐵心銅體或銅質木  
鑲或鐵質金飾重自五百六十斤至七千斤輕自  
三百九十斤至二十七斤長自一尺七寸七分至  
一丈二尺其擊遠或宜鐵彈或宜鉛子均助以火  
藥引以烘藥鐵彈自四十八兩至四百八十兩鉛  
子自二兩至二十八兩火藥自一兩三錢至八十

兩烘藥自三四錢至二兩皆按礮尺高下度數以  
定所及之遠近鑄礮時或遣官監督或由部委官  
無常制小者曰鳥槍曰火輒曰火毬曰火箭曰弩  
箭曰噴筒曰銳皆隨時成造其鳥槍規式尺寸長  
短各隨其便

御製金龍礮

御製制勝將軍礮

御製威遠將軍礮

神威大將軍礮

神威無敵大將軍礮

神威將軍礮

武成永固大將軍礮

神功將軍礮

得勝礮

九節十成礮

衝天礮

鐵心銅礮

子母礮

嚴威礮

紅衣礮

龍礮

奇礮

行營信礮

渾銅礮

臺灣礮

回礮

御製自來火大槍

御製自來火二槍

御製自來火小槍

御製禽槍

御製小禽槍

御用虎神槍

御用舊神槍

御用花準槍

御用大準槍

御製奇準神槍

御製準正神槍

御製純正神槍

御製連中槍

御製應手槍



御製威赫槍

御製威捷槍

舊神花槍

素鐵大交槍

金口交槍

素口花交槍

八棱口花槍

仿神花大交槍

欽定四庫全書

樂

卷四十一

仿神花槍

摺花交槍

花口小交槍

蒙古花大交槍

蒙古花小交槍

回部花套槍

新回部花套槍

大線槍

小線槍

舊神花線槍

麗花線槍

秀花線槍

輕銳花線槍

輕捷花線槍

輕便花線槍

輕花線槍

落禽花線槍

神海青花線槍

賽海青花線槍

雁神花線槍

鳧神花線槍

鷗神花線槍

連墜花線槍

勝鴉鵲花線槍

山雞花線槍

孤頂花線槍

水扎子花線槍

樹雞神花奇槍

花奇槍

花線奇槍

兵丁鳥槍

火藥

工部設濯靈廠委官製備火藥

特命大臣督理廠設石碾二百盤每盤置藥三十斤為一臺每臺碾三日者以備軍需碾一日者以演槍礮預貯軍需火藥以三十萬斤為率隨用隨備

康熙三十一年奏准八旗試演槍礮火藥在濯靈廠取用該廠每歲造演放火藥二十餘萬斤烘藥二三千斤外備貯軍需火藥三十萬斤烘藥四千斤如逢運用之年隨時補額簡司官一人經理預

造

每火藥百斤  
隨烘藥一斤

雍正二年奏准軍需火藥貯過十年者許改作演  
放火藥陸續取用其額貯之數即行補造又奏准  
城上存貯火藥屋步軍統領隨時巡視有閒人左  
近行走者看守官罰俸兵鞭責致有疎虞官兵從  
重革責十一年議准各省兵每歲操演用鉛子准  
其檢七耗三除拾回抵算外將實用鉛價於公項  
銀內開除報銷

十二年

諭八旗營兵演放鳥槍鉛子均不拾回徒然拋棄外省兵演放鉛子既有拾回之例京城所放鉛子作何拾取之處著八旗並操演火器營大臣等會議具奏尋議准嗣後京城官兵演放鳥槍之鉛子各旗委兵用心拾取務將拾得數目註冊收貯歲終各營將每月由工部領用數目並拾回數目合算交部又議准直省各營火藥關係緊要必須預備方為有益督撫提



鎮將所轄各營酌量每年應用之數動公費製造  
潮濕地方預備三年高燥地方預備五年加謹收  
貯每年所用火藥即於收貯數內動支仍照動支  
數目製造貯庫出陳易新按年造冊報部該管官  
陞遷事故離任照倉庫錢糧例交代若有虧缺及  
不堪用者責令該管官賠補仍各議罰

乾隆十八年奏准濯靈廠製造演放火藥每火藥  
萬斤用硝八千斤硫黃一千有五斤十兩廣膠六

斤四兩每烘藥百斤用硝八十三斤十兩八錢硫黃十四斤七兩五錢

帳房

帳房之制官用藍布為之單衿帷宜每架高六尺五寸下寬一丈二尺深六尺四寸上施梁為脊承以兩柱幕布斜垂至地如人字形兩邊皆圍以布左當柱中分以便出入兵帳房用白布制亦如之  
繒帳穹頂銜椽幕以白繒承椽以斜竹相交為牆

皆髹朱外圍白氈下圍朱簾頂高九尺牆高四尺  
徑一丈四尺涼棚藍布為之單袷惟宜縱一丈八  
尺橫二丈七尺中施橫梁為脊濶九尺兩端承以  
柱高一丈七尺四寸簷四出高七尺五寸周承以  
柱十圍布牆前啟兩窻中開門後樹白布屏繪五  
采麒麟校閱用之

戰船

戰船每船長十一丈至一丈九尺濶二丈三尺五

寸至九尺六寸各有差天津山東福建舡均屬外  
海江西湖廣船均屬內河江南浙江廣東船分屬  
外海內河外海定限三年小修六年大修九年再  
大修不堪修者更造內河定限三年小修八年大  
修十一年再小修十四年再大修不堪修者更造  
其修造之費有正價有津貼正價各以其直無定  
額津貼每正價百兩自加四加六加八至加倍  
半有差由工部准兵部移咨覈覆修造各令本省

道員會同副將叅將等官弁監造工竣報部題銷  
康熙三十四年

諭戰船關係緊要修理銀數覈減太過恐臨用之時因船  
料單薄復行大修以致貽誤著工部會同戶兵二部再  
行確議具奏尋議准令各督撫將軍提鎮將修理戰船  
銀照各地方工料價值據實確估具題工竣報銷  
五十二年覆准戰船風蓬桅索除應修之年毋庸  
別給外每歲於朋扣餘剩銀內給與製辦又議准

各營艍犁趕繒等船於船頭船尾刊刻某營某鎮  
某號捕盜船名

雍正六年

諭各省修造戰船於造成之時解送總督親驗總督委中  
軍每向監造文員需索規例為之徇隱是以工料皆屬  
虛糜其實不能堅固朕思戰船關係緊要嗣後船廠附  
近省城者著在城之督撫提鎮及布按兩司於承造完  
工之日公同驗看倘有不能堅固完好及浮冒侵蝕等

弊即揭報題叅按律治罪是年議准浙江乘造戰船船底艚木用大號堅固松木每艚長一丈面梁濶三尺三寸船身及正桅均長一丈二尺頭號艚船濶二丈二尺五寸船身增長八丈九尺艚深七尺九寸板淨厚三寸一分二號趕繒船濶一丈九尺五分船身減長七丈九尺艚深七尺一寸板淨厚二寸九分三號雙蓬船濶一丈七尺五寸船身減長六丈六尺艚深六尺一寸板淨厚二寸五分四

號快哨船濶一大四尺船身減長四丈八尺艙深  
五尺板淨厚二寸每板長一丈均用釘三又議准  
奉天戰船身長七丈四尺寬一丈八尺七寸二十  
一艙

八年

諭向來外省各標營沙唬趕繒等船原令道員會同副將  
監督修造道員遴委同知通判承修副將遴委都司守  
備監修聞承修之人備辦物料必俟監修驗看自千總



以及遊副逐層需索不一而足及如式修造赴各標營  
交收又有驗看勒索之弊迨交收之後一任船置河干  
雨淋日曬船中器械繩索為頭舵人等竊盜變賣而該  
管將弁概不追究夫始則借端勒索後則聽其毀棄豈  
非以承修之責專在文員而監修武弁置身局外遂至  
視同陌路此等錮弊聞各處仍然而京口將軍標下為  
尤甚嗣後修造標營戰船著道員副將會同領價道員  
遴委丞倅副將遴委都守協同辦料修造如係將軍標

下之船即遴委叅領以下等官同領同辦其船交收之後在汎停泊責令頭船苦蓋澆洗每歲令該管將弁出具印結送督撫察覈如有陞遷事故具結交代至船有小修大修拆造之不同是以工料多寡懸殊今聞船未發廠頭舵人等已將在船什物私行盜賣即屆小修亦必令其拆換加備甚屬不法嗣後著將什物一併具冊移交如有虧缺將該管官弁及頭舵人等分別叅追

十年議准山東登膠南北二汎海口趕繒船照雍

正六年浙江題定之例身長七丈三尺板厚二寸七分雙蓬舳船身長六丈四尺板厚二寸五分福建大號趕繒船身長九丈六尺板厚三寸二分身長八丈板厚二寸九分二號趕繒船身長七丈四尺及七丈二尺板均厚二寸七分雙蓬舳船身長六丈板厚二寸二分江西南湖營沙唬船身長四丈四尺至六丈八尺板厚一寸三分至一寸六分直隸天津水師營大小趕繒船身長七丈四尺板

厚二寸九分身長八丈六尺板厚三寸身長六丈五尺板厚二寸六分以上每板一尺概用三釘江南修造戰船應用板片薄厚鐵釘數目照浙江省所定分寸沙船一丈三釘趕繒船尺板四釘京口營船九丈以外梁頭棧板均淨厚三寸九丈以內梁頭棧板淨厚二寸八分量定三寸三分用一釘以收一尺三釘之實蘓州狼山川沙吳淞等營船身長四丈七尺至十一丈板厚二寸二分至三寸

六分每板一尺用三四釘有差湖北湖南戰船身  
長三丈二尺至七丈八尺八寸板厚一寸二分至  
二寸二分每板一尺用三四五釘有差廣東戰船  
身長一丈九尺至九丈板厚一寸至三寸一分每  
板一尺用三四五六釘有差各省戰船寬九尺六  
寸至二丈三尺五寸有差均令道員會同副將等  
官監督廣東外海戰船委道員內河委知府各會  
同副叅等官監督十一年議准直省修造戰船報

銷限期直隸限以四月福建臺灣限以十月其餘  
各廠限四月山東限六月江西大修拆造限三月  
小修限兩月江南限四月湖廣大修拆造限六月  
小修限四月浙江限四月廣東瓊州限六月其餘  
各廠限四月均以工竣日起限

乾隆元年議准江南各廠拆造沙唬船每部價百  
兩加津貼銀一百二十五兩拆造後小修每百兩  
給銀一百二十五兩大修給銀一百三十五兩再

次小修給銀一百五十兩船艚船大小修每部價  
百兩加津貼銀一百八十兩拆造一百五十兩淮  
廠唬船拆造及拆造後小修每部價百兩給銀一  
百三十兩小修後大修給銀一百三十八兩修造  
趕繒船加增銀照各廠例畫一遵行二年覆准山  
東登膠南北兩汛額設趕繒雙蓬船船凡屆大小  
修拆造之年照部定價值每百兩量貼銀百兩工  
完報銷仍節省銀三四十兩三年議准廣東各標

營外海戰船拆造加八津貼大修加六津貼小修  
加四津貼五年議准浙江繒艍船大小修拆造照  
江省繒艍船之例津貼拆造每部價百兩加津貼  
銀一百五十兩大小修每百兩均加津貼銀百五  
十兩外又別加三十兩艍哨船照江省沙唬船之  
例小修拆造每部價百兩加津貼銀一百二十五  
兩大修每百兩加津貼銀百三十五兩八年奏准  
福建修造戰船津貼銀福泉漳三廠小修每正價



百兩加津貼銀一百三十兩大修加一百二十兩  
拆造加百有十兩臺廠小修每正價百兩加津貼  
銀百有十兩大修加百兩拆造加九十兩十二年  
覆准福建臺廠修造戰船照內例給與津貼並別  
加三分外再加運費銀二分

外海戰船

盛京六

直隸八

山東二十四

江南八十三

福建三百四十二

浙江一百九十七

廣東一百六十六

內河戰船

江南二百五十

江西四十六

浙江二百二十一

湖廣一百二十七

廣東三百九十二

欽定八旗通志卷四十

欽定四庫全書

欽定八旗通志卷四十一

兵制志十

馬政

太僕寺馬政  
外省牧馬

直省營馬  
上駟院馬政

八旗牧馬

謹按我

朝馬政遊牧有所飼育有方

太和翔洽物遂孳生凡

天閑良驥特立專司

皇城

南苑諸處分設有內廐外廐其掌於太僕寺者左右

兩翼各牧場掌於

上駟院者上都達布遜諾爾等處各牧場馬數計二

欽定四庫全書

卷四十一

十萬有奇又八旗官馬直省牧馬營馬數亦二十餘萬有奇每歲孳息之數更不可量迥非唐志之侈稱無實者所可同日而語我皇上天威震疊武廓新疆衆甘土厚畜牧日繁哈薩克諸部落亦歲歲貢馬求市洵伊古以來未有如今日之蕃庶者也至若馬數日盈或分往屯田或撥給綠邊營伍俾均歸實用伏讀

御製新樂府陰山道篇煌煌

聖言真足昭垂萬古謹據大清會典則例臚敘馬政於左

太僕寺馬政

總管兩翼馬廠大臣兼副都統銜一人太僕寺卿

滿漢各一人少卿滿漢各一人

掌兩翼牧場均齊賞罰之政

左

司員外郎滿洲蒙古各一人主事滿洲蒙古各一

人掌賦載慢城網城之右司員外郎滿洲蒙古各

一人主事滿洲蒙古各一人掌察驗牧場馬匹主

簿滿洲一人掌奏章筆帖式滿洲蒙古各八人掌

譯

牧場

太僕寺左翼四旗牧場在張家口外東北一百四  
十里哈喇尼敦井東西百五十里南北百三十里

東以布奎布拉克為界西以察罕齊老台為界南  
以都什山為界北以呼什呼蘭台山巴延托羅該  
為界太僕寺右翼四旗牧場在張家口外西北三  
百十里齊齊爾漢河東西百五十里南北三十二  
里東以庫努克托羅該努克圖溝為界西以珠爾  
台烏克爾齊老為界南以格根達巴敦達哈喇為  
界北以布爾噶蘇台河南岸為界

司牧官役



統轄兩翼牧場總管一人兩翼牧場總管二人副  
管一人防禦二人翼領四人驍騎校三人護軍校  
八人協領十人護軍三百十四名馬羣牧長牧副  
每羣各一人牝馬羣每羣牧丁八名牡馬羣每羣  
牧丁十四名

牧課

歲春季本寺滿堂官一人往口外將馬駒驗騎秋  
季往口外分撥騎過三歲之駒入羣三年均齊一

次屆期列名奏請

欽點前往員外郎歲春季往口外稽察孳生倒斃各數  
並訓練馬駒逐一印烙秋季往口外驗視肥瘠並  
訓練馬駒有未印烙及印烙模糊者補印烙牝馬  
羣計三年之內每三馬應孳生一駒於孳生額數  
外多至一百六十匹者為上等八十匹以上者次  
之八十匹以下者又次之其於孳生額數內少至  
一百匹或少五十匹以上及五十匹以下者亦分

三等牧長牧副丁以是各定其賞罰牡馬羣以在  
場見牧之數區為十分視其馴習及斃損之多寡  
以定賞罰至該管協領以上各官統計所管馬羣  
得賞受罰之等次核計有差

### 上駟院馬政

總管院事大臣兼副都統銜一人

無定員由院卿  
特簡

二人

掌在京內廐外廐及  
邊外各牧場之政

左司郎中一人侍衛員

外郎各二人主事一人

掌均齊  
賞罰

右司侍衛員外郎

欽定四庫全書

卷四十一

各二人主事一人

掌各馬廐馬場之俸餉賜救

堂主事二人

掌奏

章文

筆帖式二十五人

掌編譯

侍衛二十一人

掌侍直內

移

以八人兼試御馬

司鞍長二人司鞍八人司轡二人

皇子每位司鞍二人司轡二人

內廐外廐

內廐設於

皇城

御馬及副馬川馬各一廐

均無定數

仗馬一廐

七十匹

公馬

廐

廐各二百匹  
附索脫十匹

駕車馬羸二廐

廐各馬五十匹羸五十匹

其應

差巡羣馬附各廐外廐設於

南苑

御馬及內馬共六廐

內廐馬一羣羸馬四十壯馬三十六餘無定數

安河公

馬一廐

二百匹

其應差巡羣馬附各廐凡

御馬中有不馴者汰入公馬廐日值

御馬闕以內廐

御馬補內廐

御馬闕以外廐

御馬補外廐

御馬闕簡內馬之良者奏補仗馬及祭

神受輦四色馬闕行取大凌河良馬充補川馬闕行崇文

門稅務駕車羸闕行戶部轉行左右翼稅務各監

督買補駕車馬闕以公馬補公馬及應差巡羣馬

闕彙數行各牧羣總管取補

內廐外廐司牧官役

牧長五人副牧長五人牧副十人牧丁一百名內  
外廐每廐廐長各一人廐副各二人

川馬廐以公  
馬廐廐長兼

管廐丁各二十名草夫

御馬廐三十六名副馬廐二十八名仗馬廐三十三  
名川馬廐十四名公馬五廐各四十四名駕車馬  
廐二廐各三十二名

南苑六廐各二十八名安河公馬廐二十四名共五  
百八十六名內設百總六人外郎十六人駕車馬

羸二廐各設驍騎四十八人醫長蒙古二人醫師

蒙古十八人癩醫六人獸醫漢十六人

主醫馬駝之疾由院

行所司支取藥物歲終會計於次年二月奏銷

內外廐牧課

凡考牧內外各廐院卿歲閱一次三年奏遣官察驗一次各具息耗實數以

聞惟苑廐捫馬歲閱積三歲具奏不議賞罰其各廐孳

生統三歲計以牝馬三生駒一為額數浮者為一



等平者二等閏者三等疲瘠及斃損每歲以百匹  
內核計以數少數平數多分三等定賞罰有差其  
出牧歲四月朔以內外廐公馬四百匹就草張家  
口外限九月望前視天時涼暖豫奏日期回廐遣  
侍衛二人率廐長廐副經理出入餘俱於  
南苑就草出入期如之內廐駝每百匹以五十匹存  
廐餘就草上都出入期亦如之

貢馬

蒙古索倫歲貢馬駝由理藩院具奏送

上駟院行知掌試

御馬大臣侍衛奏會本院官公同選驗不入選者罷  
還之選受者行廣儲司如例給賞駝發內廐馬發  
南苑六廐牧養又歸化城兩旗蒙古歲貢馬喀爾喀  
哲卜尊丹巴胡圖克圖歲貢駝馬陝西岷州衛二  
十四寺番僧歲貢馬均由理藩院咨送發各廐弱  
秣應管之大臣率本院侍衛詣廐驗視辨其堪供

御馬內馬公馬之屬列其等次以

聞乾隆二十三年之後西域哈薩克巴達克山諸部先後投誠遣使貢馬其尤者則

御定嘉名餘皆分入各廐至哈薩克貿易之馬尤夥每年無定額於烏嚕木齊及伊犁廣設牧羣以為新疆駐守各兵之用其贏餘仍發補內地各標營額缺供直馬

日以內廐

御馬四匹齊其毛色具鞍轡列於院門外凡

駐蹕圓明園以

御馬六匹立

園門右如之直班侍衛司鞍司轡咸侍恭遇

車駕巡幸日以十馬備

上乘御由掌

御馬大臣奏請於

御馬內馬中簡其尤良者以從其需用駕車馬公馬

及橐駝之數附疏以

聞由院奏遣卿及侍衛各一人掌

御馬侍衛一人沿途監視支放馬駝芻菽其扈

蹕之尚茶尚膳各執事官役以及內監所乘之馬由所  
司行院如數以公馬撥給回日繳院如不足具數  
奏行兵部以八旗官馬撥給

皇子出行撥給官役應乘公馬亦如之凡有因公出  
使者大臣應乘馬十匹侍衛六匹筆帖式四匹廐

牧長各五匹廐牧副各三匹廐丁牧丁二人共馬  
三匹均於公馬中撥給廐長記所給馬數於冊月  
申院卿每三月彙數以

聞行該管官覈對其馬有途次病斃者歲終彙數奏銷  
如調治失宜致斃瘠及遺失者有罰凡直省駐防  
將軍都統副都統總督巡撫提督總兵及朝鮮國  
使臣來京

朝覲各給馬乘騎均由所司行院於公馬中選撥

用馬

每歲四孟月敬

神各用青馬白馬二敬畢交會計司變價

皇子分封初祭

神薦以馬婚禮以馬薦幣給乘固倫公主和碩公主  
鑒降薦幣以馬駝生子彌月以馬充賞分封王貝勒貝  
子各給馬駝分封公給馬

口外牧場

上都達布遜諾爾牧場在獨石口外

達里岡愛牧場在獨石口外

大凌河牧場在

盛京錦州府北口外

口外司牧官役

上都達布遜諾爾牧場掌關防總管一人副管一人翼領五人署翼領九人蒙古筆帖式七人効力筆帖式三人馴馬羣牧副每羣各二人牝馬羣牧



副每羣各一人駝馬牧丁十名馬羣七名

達里岡愛牧場

隸上都牧場  
魚鮑

翼領二人署翼領三人

効力筆帖式二人馬羣牧長每羣各一人牧丁七

名

大凌河牧場總管一人翼領二人効力筆帖式二

人馬羣牧長每羣各一人副牧長各一人牧副各

一人駝馬羣牧丁各二十名牝馬羣牧丁各十五

名

口外牧課

上都達布遜諾爾等各牧場羣馬每三年奏遣官  
察閱一次牝駝羣每六年奏遣官察閱一次議賞  
罰大凌河牧場亦如之馬羣每百匹倒斃之數自  
一匹至四匹與五匹至八匹者皆賞九匹至十二  
匹者免議十三匹至十六匹及十七匹以上者罰  
有差其孳生之數每三年牝馬五匹額生駒二如  
孳生馬浮額百六十匹以上者賞最優八十匹以

上者賞次之一匹以上者量加其缺額百匹以上  
與五十一匹以上五十匹以下者分三等行罰上  
都達布遜諾爾馬羣每三年牝馬三匹額生駒計  
一匹每等議賞罰與大凌河同達里岡愛駝羣每  
六年內牝駝五匹額生駝二額外孳生二十匹以  
上者給一等賞十一匹至二十匹給二等賞一匹  
至十匹給三等賞如孳生缺額計匹分三等罰如  
之其各總管副管翼領牧長牧副應行賞罰均照

例行凡牧場馬羣每年於四月朔為始迄九月望以騶馬牝馬全羣就草

八旗牧馬

順治初年定八旗及內府三旗佐領下額設馬駝每年由兵部酌定留京並出場各數奏

聞每翼

簡用副都統二人於立夏後四日率領官兵陸續趕赴口外牧場擇水草豐茂處加意牧放若照管不周

以致馬匹闕少著落副都統以下各官賠補其實  
係殘廢倒斃者馬扣存三月錢糧駝扣存四月錢  
糧買補如價有不敷准於公用銀內動支至出場  
官兵均歸副都統管轄在場馬駝亦由副都統分  
撥官兵收放其進口日期每年於八九月間預行  
報部又定八旗出場馬駝口內每站給空草一束  
回日進口每站仍各給草束均由兵部移咨戶部  
委司官一人監給

康熙二十六年定八旗出場馬駝沿途不加意照  
管踐食田禾者專管及兼管官分別議罰領催及  
兵鞭責有差出口後並不在場牧放致有縱逆侵  
擾者官議罰兵鞭責均加重仍照馬駝侵擾之數  
賠償地主至兵丁強令他人代為牧放及勒索酒  
食生事者交刑部治罪專管兼管官降罰從嚴領  
催革退

三十四年

諭議政王大臣八旗都統等朕觀京城八旗兵卒已熟練器械亦整齊惟馬匹少缺前命滿洲蒙古漢軍各佐領下拴馬一半給草豆錢糧軍營以馬為重今可令衆兵槩置馬一匹春冬則給草豆錢糧自四月起發一半放青一半拴餵至九月驅回照常拴餵此所置馬匹令兵丁各自小心餵養交與該管官嚴行稽察設怠玩從事致羸瘦誤公者將該管大臣從重治罪其叅領以下撥什庫以上及拴馬之人俱照軍法治罪俟噶爾丹事畢

之日仍照養馬一半可通行曉諭

四十四年

諭扈從大學士馬齊張玉書陳廷敬等宋明時論馬政者皆無善策牧馬惟口外為最善今口外馬廐孳生已及十萬牛則六萬羊則二十餘萬若將此馬與牛羊驅入內地牧養則日費萬金不足口外水草肥美不費絲毫之餉而馬畜自然孳息因定額以馬十萬牛六萬羊二十一萬為限向年疫氣盛行蒙古馬畜多倒斃而官廐



與彼同在一處毫無損傷前巡行塞外時見牲畜彌滿山谷間歷七八日猶絡繹不絕也

雍正十三年定八旗馬駝於出場時造具毛齒清冊送部存案回京日按冊點驗印烙統轄副都統以該翼之馬駝覈算兼管官以兼管之馬駝覈算專管官以專管之馬駝覈算如十分之內疲瘦各不及三分者免議若疲瘦三分並五分至七分以上者官降罰兵鞭責有差

乾隆五年奏准八旗出場馬駝進口日期不必拘  
定八九月令兩翼副都統等視天氣冷暖及草枯  
遲早公同酌定預行報部十六年奏准八旗牧養  
官馬共二萬七百七十三匹每匹月給馬乾銀三  
兩近因

京城草豆價昂銀不敷買應暫為通融請酌撥萬匹  
在京外牧養熱河撥千匹近京各莊頭撥二千匹  
此外七千匹交直隸各標營其熱河及各莊頭草

料銀由副都統內務府會計司官赴戶部支領按月給發直隸各標營就近於藩庫動支如有減尅料草致疲瘦者該管官議處兵丁莊頭治罪或有倒斃照八旗例於馬乾銀內按月扣存買補並請特簡大臣均勻搭配不得概以疲馬充數如兵丁乘便將殘廢馬匹私行抵換者察出從重治罪佐領及都統等交部嚴加議處

乾隆十年

諭八旗拴養官馬關繫綦重近見放給扈從人等官馬時皆折給銀兩情弊顯然此皆由平素不實力喂養所致而彼時該旗驗放馬匹大臣亦未能察出嗣後著交八旗都統不時稽察再遇朕巡幸放給官馬時預將八旗都統副都統名銜由值年旗彙奏候朕每旗簡派大臣一員十七年奏上年將八旗官馬撥出萬匹交直隸各標營並熱河副都統及近京莊頭分頒牧養議俟次年草豆價平仍分與八旗官兵

目下京師草豆較上年價值已減此項馬匹或仍交直隸等處或應留京牧養奉

旨此項官馬前交直隸各標營牧養朕分既屬充足且聞於該兵丁等亦屬有益著不必交熱河副都統及各莊頭俟回鑾後撥出萬匹皆交與直隸總督仍前分撥牧養十九年奏准八旗官駝照官馬例交與直隸宣化府屬分給牧養二十八年定八旗每年出場牧放馬匹派京城副都統二人左右兩翼察哈

爾總管各一人侍衛各一人管轄其京城官兵停止派往每馬一千匹編作三羣每羣派察哈爾官一人兵二十名預期來京領馬出口每馬一百匹准倒斃十匹其倒斃止六匹者官交部議敘兵酌量獎賞如倒斃逾額著令官兵賠補至例應倒斃者於省派京城官兵路費銀內買補三十年奏准八旗官馬原係給與官員兵丁拴養因官兵內或將錢糧糜費以致官馬疲瘦併有空缺又值前數

年草豆價昂是以將官馬改交直隸牧養旋因八旗前鋒護軍暨親丁等乏官馬當差已奉

旨加恩於直隸牧養官馬內撥出四千五百匹交給各該處設立官圈喂養分給兵丁乘騎今查八旗所有印房章京叅領佐領閑散官滿洲每旗一百餘員蒙古每旗五十餘員左右兩翼所有前鋒章京前鋒侍衛四十員八旗滿洲火器營所有烏鎗營長護軍叅領六十四員八旗護軍營所有護軍叅

領二百八十員學習閑散官約計一百員伊等當  
差不能自養馬匹請再於直隸牧養官馬內撥出  
二千匹給與三營前鋒護軍章京等每人各拴養  
一匹外八旗滿洲每旗一百匹八旗蒙古每旗五  
十匹除兼管文職官員外旗員每人分給馬一匹  
其所存三百餘匹交與前鋒護軍統領等將各營  
學習閑散官暨當差出力之護軍校每人分給馬  
一匹各令其拴養仍令該都統及前鋒統領護軍



統領等隨時查核

諭每年出派察哈爾侍衛前往牧廠時以伊等熟知水草諳練收放於馬匹有益今聞得察哈爾侍衛至牧廠後但看水草於馬匹事務總不管理甚屬非是著交巴祿傳諭派出察哈爾侍衛等嗣後察哈爾侍衛至牧廠時查看水草外務令馬匹肥壯不致腴欠之處俱令同章京等量其有益妥協辦理永著為例著出廠大臣通行曉諭出廠章京兵丁知之

乾隆十六年

諭八旗兵丁喂養駝馬需用黑豆甚闕緊要現今市價昂貴著將倉貯黑豆撥發八萬石交與八旗減價平糶以平市價該部遵諭速行又

諭八旗所拴官駝只有八百餘隻每遇巡幸或有用六七百餘隻不等雖有所餘亦為數無多倘再有行役之處仍用此項駝隻若無輪流歇養之暇必至疲瘦此項官用駝隻馬匹原為旗人拴養若每佐領各多

添駱駝一隻拴養於旗人生計既有裨益而一切差役亦覺寬裕嗣後各佐領著再添官駝一隻令其永遠拴養此項添養駝隻或由太僕寺所屬牧放駝隻內取用或應如何添立之處著八旗大臣會同該部議奏如此添養後倘再不盡心喂養仍有脰欠疲瘦者惟於該旗大臣等是問

五十年

諭據總管內務府大臣奏內府護軍營額設官馬每遇

出青之時請將世職官等停止出派即於護軍營內  
揀派妥員帶領護軍前往牧放等語世職官員等既  
非護軍所屬喂養事宜又未諳悉於馬匹實屬無益  
嗣後內府護軍營出青馬匹應如所奏辦理因思八  
旗圈馬向遇出青係派出之副都統二員監放此項  
馬匹俱係八旗棚養及護軍營官拴之馬今止令副  
都統二員監視牧放恐亦未能辦理認真或令各該  
旗添派養馬之官一二員隨同牧放庶可期腴分肥

壯不致有名無實但如此辦理是否可行並應如何  
揀派官員酌定章程之處著阿桂會同八旗滿洲蒙  
古都統詳悉籌酌迅速妥議具奏

謹按八旗官馬有官園馬有官員拴養馬有傳事  
拴養馬遇出青時官園馬全行出場牧放拴養馬  
減半出場傳事馬概不  
出場每年以為定例

### 外省牧馬

乾隆元年定甘肅提標西寧鎮標各設馬場一處  
以遊擊一人統率每場牝牡馬千二百匹分五羣

每羣壯馬二百匹牝馬四十匹以千把總一人為  
牧長外委千把總一人為牧副兵十人為牧丁三  
年均齊一次屆期總督委官察驗敘明賞罰具題  
所牧馬不論牝牡每三匹取孳生馬一匹三年內  
一羣中多孳生馬八十匹以下及八十一匹以上  
至一百六十匹以上者分三等官議敘陞用兵給  
賞有差如少孳生額數二十匹以下者官兵即議  
罰責若於原牧額數缺少者官兵責革罰賠其提

鎮遊擊統計五羣之數以定賞罰十三年定甘肅  
涼州西寧肅州三鎮各設駝場一處每牝牡駝一  
百六十為一羣每羣以千把總一人為牧長外委  
千把總一人為牧副兵九人為牧丁仍委守備一  
人督理五年均齊一次千把總外委兵丁邊地較  
內地不同五年期遠應議賞以示鼓勵每牝牡駝  
百五年內孳生四十隻者無庸議賞於額數外多  
孳生一至十者及至二十與二十一以上者官議

敘兵加賞有差其五年內准倒斃二十隻若倒斃逾額不論多寡以續得孳生抵補其餘再計孳生之數如少孳生一以上與十一以上至二十一以上者官兵分別賞罰督理之守備其賞罰亦隨額數上下以為準每屆五年均齊之期由總督委官赴場印烙將各數目及牧放官兵姓名造冊敘明賞罰具題至孳生牝驄於五年均齊後照例配搭孳生其餘牝驄割別牧以備撥用四十年定已



里坤東西中三廠牧放馬匹以遊擊都司守備各  
一人統率每廠馬分五羣每羣以千把總一人為  
牧長外委一人為牧副按馬二十四匹派兵一名  
牧放三年期滿總督委員逐廠查驗分晰馬數敘  
明賞罰具題所牧馬不論牝牡每三匹取孳生馬  
一匹三年內一羣中除孳生額數外其浮額一百  
七十六匹以下與一百七十七匹以上及三百五  
十三匹以上分三等官議敘陞用兵給賞有差如

缺額二十匹以下及四十匹以下至八十匹以下  
亦分三等行罰至統率各官應議賞罰均照各馬  
廠例核計其孳生盈餘馬匹除分給伊犁各該處  
足用外仍撥解內地以供協濟

直省營馬

順治三年定綠旗兵馬一匹每月給料豆六斗草  
六十束六年定官員騎坐馬皆自備名曰例馬每  
月照數領草料提督准例馬十五匹總兵官十二

匹副將八匹叅將遊擊六匹都司守備四匹千總  
把總二匹至兵丁騎操馬酌各營情形或馬步各  
半或馬四步六或馬三步七或馬二步八或馬一  
步九或不設馬皆於奏銷案內照實數報兵部察  
核行知戶部銷算草料八年定副將以下把總以  
上每月于應支銀內扣二錢馬兵扣一錢步兵扣  
五分守兵扣三分名曰棚扣存貯營中以備買馬  
之用若有餘剩由兵部覈明于奏銷題交戶部充

餉又定營馬係對敵及追捕賊盜損失者免其賠  
補走脫及竊失者著落本人賠補若倒斃者每馬  
以十兩為額令其賠補名曰賠椿每年遞減一兩  
至十年者免賠准動支棚扣銀買補十六年定提  
督例馬二十匹總兵官十六匹副將十二匹叅將  
八匹遊擊以下仍各照舊數

康熙三年定江南江西福建浙江湖北湖南四川  
廣東廣西雲南貴州等省營馬以三年賠椿過三

年者免直隸山東山西河南西安甘肅以五年賠  
椿過五年者免四年定三年賠椿之省一年倒斃  
本兵賠銀七兩合隊二兩本管官一兩二年倒斃  
本兵賠銀六兩五錢合隊一兩七錢本管官八錢  
三年倒斃本兵賠銀六兩合隊一兩四錢本管官  
六錢三年以後免其賠椿動支朋扣銀買補五年  
賠椿之省自一年倒斃至三年倒斃之分賠均如  
三年賠椿之省其四年倒斃本兵賠銀五兩五錢

合隊一兩本管官五錢五年倒斃本兵賠銀五兩  
合隊七錢本管官三錢五年以後免其賠椿動支  
朋扣銀買補又定廣東地方潮濕馬易倒斃賠椿  
准照十兩減半一年倒斃賠銀五兩二年倒斃賠  
銀四兩五錢三年倒斃賠銀四兩三年以後免其  
賠椿五年定廣西地方瘴濕馬易倒斃賠椿照廣  
東之例又定營馬倒斃如符年限者准用朋扣銀  
買補其定價直隸每匹九兩山東十兩山西八兩

河南八兩五錢江南十三兩九錢七分江西十六  
兩八錢二分四釐福建二十二兩浙江十六兩湖  
北湖南十五兩西安八兩廣東二十一兩九錢廣  
西二十兩雲南二十一兩八錢貴州二十兩二錢  
二分有奇甘肅四川除以貢馬抵補外其不敷之  
馬甘肅每匹給價八兩四川每匹給價十二兩七  
年定各省朋樁銀兩歲底兵部查核除應扣外咨  
戶部發餉如有營馬缺額開送戶部購買四十五

年定直省營馬倒斃遞年加增必致朋扣不敷買  
補嗣後如倒斃過多實有冒銷情弊該督撫提鎮  
即行題叅四十七年定營馬倒斃該管官驗明耳  
尾將日期出結詳報督撫提鎮一面用朋扣銀買  
補仍將新馬價值毛苗領騎兵姓名按季冊報仍  
於年終奏銷由部察覈

雍正元年定江南江西福建浙江湖北湖南四川  
雲南貴州等省營馬騎過三年倒斃者免其賠椿



廣東廣西二省減半賠椿騎過三年倒斃者亦免其賠椿直隸山東山西河南西安甘肅等省騎過五年倒斃者免其賠椿均准動支朋扣銀買補七年定官兵朋扣銀有經督撫提鎮題奏撥修船料及軍裝器械並賞號公務之用者均入于奏銷案內由部察照准其開銷又定山西河南西安甘肅四省營馬開報倒斃不得過十分之三十一年定直隸山西河南西安甘肅馬價在十兩之內山東

亦僅十兩均未便以十兩賠椿應以七兩為額如  
騎一年倒斃賠椿七兩二年倒斃賠椿六兩以下  
按年遞減若騎過年限免其賠椿准其動支朋扣  
銀買補十二年定營馬除口外差遣及在軍前倒  
斃者皮臟免其變價外江南督標每匹變價一兩  
五錢提標一兩安徽撫標一兩二錢蘇松撫標九  
錢二分有奇湖北湖南一兩其餘直省均五錢發  
給馬價時將皮臟變價扣除于奏銷冊造報察覈

又定廣東營馬每年開報倒斃每百匹只准倒十  
五匹廣西准十七匹其直隸山東江南江西浙江  
福建湖北湖南四川雲南貴州開報營馬倒斃數  
無一定嗣後均不得過十分之三又定四川營馬  
將原價減去四兩照驛馬例給以八兩所有賠椿  
銀照直隸等省例以七兩為額按年遞減

乾隆元年議准外委千把總領馬即供騎操原未  
令其存價如遇倒斃入營馬數內開報動支朋扣

銀買補十五年定廣東馬價每匹減三兩以十八兩九錢作定價報銷廣西馬價每匹減三兩以十七兩報銷

十六年

諭滇省各營驛操馬匹定例三年外准報倒十分之三其額外濫倒馬從前該督提等皆於朋扣等項內通融買補並未著賠嗣據該督察出奏聞仍請從寬免其賠補經軍機大臣等議令照例按數賠補但念邊

方水土餽養馬匹與他處情形不同自應通融籌辦  
今若復令賠撫兵丁未免拮据嗣後滇省馬匹除額  
定十分倒三按例分別年限著賠外其濫額倒斃馬  
匹著加恩免賠若兵弁等因有此旨或致餽養失宜  
溢倒過多者該督提等嚴行叅處二十五年議准營  
馬價值除直隸山東山西河南西安甘肅四川等  
省或僅在十兩以內或據該督撫察核實無溢冒  
無庸議減福建准以十九兩浙江江蘇安徽准以

十四兩江西准以十六兩湖北湖南准以十四兩  
廣東准以十八兩廣西准以十六兩雲南貴州准

嘉慶十八兩報銷

山字寶

欽定八旗通志卷四十一